



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

§. 10. Admiranda minorum Iusularum in mari Ægæo.

urn:nbn:de:hbz:466:1-13167

Est Cerinthi tetra quæ frumentum corrumpi non sinit, itaque adhibetur vulgo in horreis ut diutiùs seruetur. *Plinius lib. 18. c. 30.*

N V M. 3. *Admiranda Lemni, Stalimene.*

IN Insulâ Lemno visus est mas caper, qui duabus mammis quas habebat ad genitalia tantum lactis reddébat, vt exinde colastrum fierent; quod item eius proli masculæ legitur euénisse. Huic aliquid affine testatur se vidisse in Indiis. *S. Franciscus Xauerius in Epistola de qua dicemus in Indiis. Aristoteles lib. 3. de hist. Animal. & Antigonus cap. 26.*

Terra Lemnia obsignatur, valētque ad inhibendos sanguinis fluxus. *Plinius lib. 35. cap. 6. & Galenus simpl. Medic. lib. 9.*

Atho monti aduersa est Lemnos, qui non sine miraculo in forum Myrinæ umbras iacit, cùm sex & 80. millibus passuum inde separetur. *Solinus.*

§. 10. *Admiranda minorum Insularum in mari Ægæo.*

IN Insula CYTHERA Cerigo Asini sylvestres reperiuntur, qui in capite lapillum gerunt malo Herculeo, & pleuresi perutilem: qui etiam si appendatur collo mulieris ex partu laborantis, illicò patrit. *Pinetus.*

THASSOS. Apud Thassios vini duo genera, alterum quo somnus pellitur, alterum quo conciliatur. Item & vitis diæta Theriace cuius vua, & vinum contra morsus serpentum prodest. *Plinius lib. 15. cap. 18.*

SAMOTHRACIA. Zancli Samothraceno dentes post 104. annos renatos, ait se vidisse Mutianus ter Consul. *Plinius lib. 11. cap. 36.*

SCYROS. Lapis hic integer fluctuat, comminutus mergitur. *Idem lib. 36. cap. 17.*

DELOS. Adhanc Insulam pisces falsi reperiuntur, sed in portu eiusdem Insulæ dulces, quorum diuersitas in varietatem nutrimenti reiicienda est. *Plinius lib. 32. cap. 2.*

In eâ Insulâ fons *Inops* dictus eodem modo quo Nilus pariter cum eo augetur, & decrescit. *Idem Plinius.*

RHENIA. In hac Insulâ felis non nascitur. *Antigonus cap. 11.*

ANDROS. Hic mures ferrum peredunt.

Hic quoque spina dicta *Acherdos lethalis*, quæ interficit arbo-

Sff ij

508 DE NOVA GRÆCIA, PART. II. LIB. IV.

res alias si in eas incutiatur. *Antigonus cap. 21.*

Ibidem fons dictus *Diotechoſia* in templo Bacchi Nonis Ianuarij vini saporem referebat. *Plinius lib. 2. cap. 103.*

SIPHNVS. In eâ lapis excavatur, tornatûrque in vasa coquendis cibis idonea : excalfactus oleo nigrescit dureſciturque, naturâ suâ mollissimus. *Plinius lib. 31. cap. 2.*

CEA, fontem habet qui potus hebetes sensus facit. *Plinius ibidem.*

In parte huius Insulæ Occidentali, hodie *Zia* fons fluit ex quo qui biberit insanit, neque sanatur nisi aquam illam concoxerit. *Pinetus.*

SERIPHVS, mutas ranas habet : Plinius obſeruat aliò translatas vocales esse. *Plinius lib. 8. cap. 58. Antigonus cap. 4. Simocatta in quæſitionibus Physicis.*

TENOS, in quâ sepulchra Calaïs & Zethæ, quorum vnum mouebatur Boreâ spirante. *Scholiastes Apollonij.*

SYROS, in quâ cùm sitiens aquam hauiſſet Pherecydes, pronunciauit futurum post tres dies terræ motum. *Apollonius Dyscolus cap. 5.*

NAXOS, in quâ mulieres Naxiæ ὀχτώμηνα habent puerperia, edunt autem liberos suos octauo mense propter Bacchum itatum. *Asclepiades apud Cælium Rediginum.*

Hic quoque adeò Fel grande omnibus ferè quadrupedibus, ut prodigijs loco sit aduenis si quando sacris intersint. *Aristoteles lib. 1. Histor. Animalium.*

In eâdem (hodie *Nicchia* dicitur) vespæ reperiuntur aculeo venenato ; nam quos pungunt interimunt. *Porcachius lib. 2. de Insulis.*

PAROS, ad quam pîſces adeò ſalſi ſunt, ut pro ſalfamentis ſumi queant. *Plinius lib. 32. cap. 2.*

Hic quoque familiæ Ophigenum, ex quibus legatus missus Roman à Consulibus in dolium serpentibus plenum coniectus est, circummulcentibus linguis, miraculum præbuit. *Plinius lib. 28. cap. 3.*

Reperitur in hâc Insula fons in quem immersi panni candidi, itémque linea indusia nigro colore inficiuntur. *Pinetus.*

PA-